

شرح بحث السلفية | 30 | معنى السلفية لغة واصطلاحاً

بهاء السكران

ان الحمد لله تعالى نحمده ونستعين به ونستغفره ونعوذ بالله تعالى من شرور انفسنا وسيئات اعمالنا من يهد الله فلا مضل له ومن يضل فلا هادي له. واشهد ان لا اله الا الله وحده لا شريك له. واشهد ان - 00:00:00

ان محمدا عبده ورسوله. وبعد فان اصدق الحديث كتاب الله تعالى وخير الهدي هدي محمد صلى الله عليه واله سلم وشر الامور محدثاتها وكل محدثة بدعة وكل بدعة ضلالة وكل ضلالة في النار ثم - 00:00:27

اما بعد وصلنا الى عنوان في البس معنى السلفية. هو تكلمنا في المرة الماضية عن مؤاخذات ينتبه اليها ويلتفت اليها عند التصدي لكثير ممن يحاولون تعريف السلفية او يحاولون بحسها والكلام عنهم. هيبتي هو بقى الباحس هنا يتكلم هو بقى ايه معنى السلفية؟ ودايما - 00:00:47

هنبداً في المعنى بنبدأ بالمعنى اللغوي بعد كده نبدأ بالمعنى الاصطلاحي ايه الفرق بين المعنى اللغوي والاصطلاحي؟ المعنى اللغوي يعني العرب استعملت الكلام ده ازاي؟ الكلمة دي عند العرب استعملوها في ايه؟ بصورة مجردة بغض النظر بقى عن اي مدلول ثاني. طيب المعنى الاصطلاحي؟ اصطلاحي - 00:01:17

يعني اتفاقي نقل للاستعمال اللغوي ده والناس اتفقت على انها تستعملها بمعنى ايه؟ خدنا بال حضراتكم كده يعني مسلاً آ الفقه الفقه في اللغة معناه الفهم. معناه العلم مش كده؟ طيب الناس العلماء والمسلمين اتفقوا على ان الفقه ده ايه - 00:01:37
اه العلم بالاحكام الشرعية العملية التفصيلية المكتسبة اه من الادلة التفصيلية. صح كده؟ هو ده بقى حاجة اسمه مصطلح اتفقوا على كده. فهو بيقول لما نيجي نتكلم عن كلمة السلفية نفهم - 00:01:57

كمل الاول بقى. السلفية دي جت منين؟ يا ترى العرب لما كنت تقول لواحد منهم سلف او سلفي او يسلف او يسلف؟ ايه المعنى ده بقى؟ المقصود بها ايه يقول سلف بمعنى تقدم والسالف المتقدم قال الله تعالى فجعلناه - 00:02:17

هم سلفا ومسلاً للآخرين. قال الفراء يقول الله جعلناهم سلفا متقدمين ليتعظ بهم الآخرون. يبقى سلف يعني ايه؟ تقدم. والسالف يعني المتقدم. طيب سلف الرجل اقول ماذا فعل سلفك؟ حدثني عن سلفك مين السلف بتوعك؟ سلف الرجل يعني - 00:02:37

آ ابائه المتقدمين. يقول هنا سلف الرجل ابائه المتقدمون. طيب السلف بالالف واللام كده لما كده بالالف واللام. نقصد بها مين؟ من الذين نطلق عليهم السلف؟ قال السلف ايضاً من تقدمك من ابائك وذوي قرابتك - 00:03:07

الذين هم فوقك في السن والفضل. يبقى مش تقدم في السن بس. التقدم ايضاً في الفضل. واحدهم سالف ومنه قول طفيل الغنوي يرثي قومه مضوا سلفاً قصد السبيل عليهم وصرف - 00:03:27

بالرجال تطلبوا. اراد انهم تقدمون وقصد السبيل عليهم يعني اللي يمشي وراهم يمشي على الطريق القصد السبيل المستقيمة يعني. اين نموت كما ماتوا؟ فنكون سلفاً لمن بعدنا كما كانوا سلفاً لنا - 00:03:47

وقيل سلف الانسان من تقدمه بالموت من ابائه وذوي قرابته. ولهذا سمي الصدر الاول من التابعين بعين السلف الصالح. ومذاهب السلف يعني مذاهب المتقدمين من الاسلام. وشرعاً كل من يقلد - 00:04:07

تفى اثره في الدين. وقد ورد لفظ سلف بمعنى تقدم او مضى في القرآن الكريم في مواضع عديدة. منها قوله تعالى فمن جاءه موعظة من ربه فانتهى فله ما سلف. يعني فله ما تقدم. ومن الناحية التاريخية - 00:04:27

يبقى ده كان من الناحية اللغوية. كلمة سلف مضار الكلمة انها على ايه؟ معنى التقدم وتطلق على من يتقدمك في السن والفضل او من

سبقك بالوفاة. ومن الناحية التاريخية فالمراد بالسلف يعني الصحابة والتابعون - [00:04:47](#)

وتابعوهم ممن وافق الكتاب والسنة. الحجة دي مهمة جدا خلي بالكم بقى. يبقى السلف هم والتابعون وتابعوهم ممن وافق الكتاب والسنة. فمن خالف برأيه الكتاب والسنة فليس بسلفي. وان عاشا بين اظهر الصحابة والتابعين وتابعي التابعين - [00:05:07](#)

هيقول ابدا على ذي الخويصرة التميمي الراجل اللي هو ورد في الحديث الصحيح انه ناشز الجبين غائر العينين كثر اللحية محلوق الرأس. راح للنبي صلى الله عليه وسلم يقول له ايه؟ اعدل فانك لم تعدل. يبقى ما حدثش ابدا هيقول - [00:05:37](#)

ان ده مع انه كان بيكلم مين؟ النبي عليه الصلاة والسلام. ما حدثش هيقول عليه ايه؟ من السلف. لانه خالف الكتاب والسنة وخالف الواجب من الادب مع النبي صلى الله عليه وسلم - [00:05:57](#)

عليه وسلم. ما حدثش هيقول عن الخوارج اللي ظهوروا في عهد علي ابن ابي طالب ان هم من السلف. ما حدثش هيقول عن القدرية اللي زهروا في اواخر اللي ادركهم عبدالله بن عمر الزين كانوا يقولون ان الامر انف. ما حدثش هيقول عليهم سلف. مع انهم عاشوا امتى - [00:06:07](#)

تعال شوف المرحلة اللي عايش فيها الصحابة وعاشوا في المرحلة اللي عايش فيها التابعين صح ولا لا؟ يبقى الصحابة يبقى السلف هم الصحابة والتابعون وتابعوهم ممن وافق الكتاب والسنة. فمن خالف برأيه الكتاب والسنة. فليس بسلفي - [00:06:27](#)

وان عاش بين اظهر الصحابة والتابعين وتابعي التابعين. قال البخاري باب الركوب على الدابة الصعبة والفحولة من الخيل وقال راشد بن سعد كان السلف يستحبون الفحولة لانها اجري واجسر. قال ابن حجر مفسرا كلمة السلف اي من الصحابة ومن بعدهم. قال السمعاني - [00:06:47](#)

السلفي هذه النسبة الى السلف وانتحال يعني الانتساب آآ تدين بمذهبه امتحان مذهبهم على ما سمعت منهم. قال الذهبي في السيار السلفي هو من كان على مذهب السلف يبقى ثاني تاريخيا ما المقصود بكلمة السلف؟ الصحابة والتابعون وتابعوا - [00:07:16](#)

ممن من كل دولت ممن وافق الكتاب والسنة. تمام؟ لكن من قال برأيه قال فالكتاب والسنة فليس بسلفيا وان عاشا في بين اظهر الصحابة والتابعين. واستدل هنا من كلام آآ البخاري رحمه الله انه ذكر في الصحيح عن راشد بن سعد قال كان السلف يستحبون الفحولة يبقى كان كلمة السلف دي مش بدعة - [00:07:46](#)

ولا حاجة زي ما الناس بتقول ما فيش حاجة احنا مخترعينها من عندنا كده. ده البخاري زكرها في الصحيح. فسرنا ابن حجر بكلمة قال كلمة السلف يعني الصحابة ومن بعدهم. والزهبي رحمه الله صاحب الميزان الذهبي فعلا في وزن الرجال. والكلام عن - [00:08:16](#)

اه سير الاعلام قال السلفي هو من كان على مذهب السلف يعني على مذهب الصحابة والتابعين ممن وافقوا على الكتاب والسنة. طيب طيب معنى السلفية اصطلاحا. اصطلاح العلماء واتفقوا. اصطلاحوا يعني اتفقوا كده انه يكون بينهم كلمة السلف يعني ايه - [00:08:36](#)

اللي فات ده كان المعنى التاريخي لكلمة ايه؟ او المظهر التاريخي او الوجهة او النظرة او الزاوية التاريخية كلمة سلف وسلفين. معنى السلفية اصطلاحا. يقول واصطلاحا فالمراد بمذهب السلف ما كان عليه الصحابة الكرام رضوان - [00:08:56](#)

الله عليهم والتابعون لهم باحسان الى يوم الدين. واتباعهم وائمة الدين ممن شهد له بالامامة عظم شأنه في الدين. وتلقى الناس كلامهم خلفا عن سلف. كالائمة الاربعة وسفيان الثوري ابن سعد وابن المبارك والنخاعي والبخاري ومسلم وسائر اصحاب السنن دون من رمي بالبدعة او شهر - [00:09:16](#)

اه بلقب غير مرضي مثل الخوارج والروافض والمرجئة والجبرية والجهمية والمعتزلة. فكل من التزم بعقائد وفقه هؤلاء الائمة كان منسوب اليهم. وان باعدت بينه وبينهم الاماكن كينو والازمان وكل من خالفهم فليس منهم وان عاش بين اظهرهم وجاء وجمعه بهم نفس - [00:09:46](#)

المكان والزمان. المعنى الكلام ده كلام مهم جدا. يبقى اصطلاحا ايه المراد بمذهب السلف؟ انت بتقول انا سلفي مقصود الكلام ده ايه؟ يعني انا على ما كان عليه الصحابة الكرام رضوان الله عليهم. والتابعون لهم باحسان الى - [00:10:16](#)

ومديه. مين اللي كانوا على على منهج الصحابة؟ ائمة الدين ممن شهد له بالامامة. مين اللي شهد لهم بالامامة والفضل كالائمة الاربعة

والسفياين والليث ابن سعد وابن المبارك والبخاري ومسلم واصحاب السنن - [00:10:36](#)

دون يعني ولا يدخل في ذلك ابدأ بحال من الاحوال من رمي بالبدعة او شهر بلقب غير مرضي. مثل الخوارج والروافض المرجئة والجبرية والجهمية والمعتزلة. مع انهم عاشوا فين؟ ده هيرد احنا اتكلما في المرة اللي فاتت ان فيه ناس بتجعل المعتز دول سلف.

صح ولا لا؟ ده هيرد عليهم بقى - [00:10:56](#)

فكل من التزم بعقائد وفقه هؤلاء الائمة كان منسوباً اليهم. الفقه بمعناه الواسع اللي هو الفهم في الدين بي فهم الدين زي ما فهموه مش

الفقه اللي هو الفروع. وكل من التزم بعقائد وفقه هؤلاء الائمة كان منسوباً اليهم. وان - [00:11:16](#)

باعدت بينه وبينهم الاماكن والازمان. يبقى وارد ان انت تكون سنة الف ريعمية وتلاتين ولا الف ريعمية تمانية وتلاتين. سلفي؟ اه طبعا

لانك تنتحل او تنتسب او تسير على ما كان عليه الصحابة رضوان الله عليهم - [00:11:36](#)

في فهمهم للدين وفي عقائدهم. فمن حيث المصطلح اصبحت السلفية علما على اصحاب منهج اجل اقتداء. مين اللي بقى بيمسل

منهج الاقتداء ده او التحقيقات اللي وقع اللي زهرت في الحياة لمنهج الاقتداء - [00:11:56](#)

مين الشخصيات اللي تمسكوا هذا المنهج للاقتداء؟ اولاً السلف من الصحابة والتابعين من اهل القرون الاولى. فدولت سلفيين كان

الشيخ محمد اسماعيل يقول كده يقول مين اول سلفي في الامة ديت؟ اه النبي صلى الله عليه وسلم. لان السلفية ليست بديلا عن

الاسلام وليست - [00:12:16](#)

قسما للاسلام. انما السلفية هي الاسلام في نقائه وصورته الكاملة كما انزل على النبي صلى الله عليه وسلم. اللي هي في قوله عز

وجل فان امنوا بمثل ما امنتم به فقد اهتدوا. فان امنوا بمثل. المثلية دي حط دايرة على كلمة مسل دي. فان امنوا بمثل - [00:12:36](#)

لما امنتم به فقد اهتدوا. يبقى من حيس المصطلح اصبحت السلفية علما على اصحاب منهج الاقتداء اللي هم مين اصحاب نهج

الاقتداء هدول؟ اولاً واحق الناس بها واهلها السلف من الصحابة والتابعين من اهل القرون الاولى. لان دول ورد في تفضيلهم -

[00:12:56](#)

ورد فيه الثناء عليهم ايات واحاديث. صح ولا لا؟ وكل ما اتنين كل من تبعهم من الائمة الذين شوهدهم لهم بالامامة الائمة المرضيين اللي

تلقتهم الامة بالقبول كالاربعة الائمة الاربعة يعني اللي هو ابو حنيفة النعماني - [00:13:16](#)

مالك ابن انس من دار الهجرة ا محمد ابن ادريس الشافعي رحمه الله احمد بن حنبل الشيباني دولة الاربعة لاما المشهورين وسفياين

الثوري وسفياين ابن عيينة والليث ابن سعد وعبدالله ابن المبارك والبخاري ومسلم - [00:13:36](#)

وسائر اصحاب السنن. طيب. يبقى دول ايضاً السلفية علم على هؤلاء. طب مين السلفية علم على مين تاني يقول وشمل شيوخ

الاسلام المحافظين على طريقة الاوائل مع تباين العصور وتفجر مشكلات وتحديات جديدة. امثال ابن القيم وابن تيمية - [00:13:56](#)

ابن القيم ومحمد ابن عبدالوهاب رحمهم الله. يبقى السلفية علم على مين؟ علم على كله على كل مصلح مجدد عالي الهمة نصب نفسه

لتجديد من درس من معالم الدين ومن مناهجه من الائمة اللي بدأوا يزهروا في - [00:14:26](#)

الضعف وعلى حين غربة منهج اهل السنة والجماعة. بيضرب لهم مسال بابن تيمية رحمه الله وبعض تلازمته واضرب لهم مسال بن

محمد بن عبدالوهاب رحمه الله ايه اللي حصل؟ الدنيا مضلعة خالص. يعني ايام ابن تيمية رحمه الله - [00:14:46](#)

تعال شف كده الناس ايام في العقائد ايه الناس اللي بتقرر العقائد وبيقولوا ان هم اهل اه اه علم علم اصول الدين المتكلمين اللي هم

بعيدين تماما عن منهج السلف في تقرير العقائد. ده نموزج. طب في الفقه - [00:15:06](#)

الناس عايزة تاخذ الفتاة وتعلم الاحكام. كان ايه سيد الموقف الجمود الفقهي والجمود المذهبي في صورته البشعة المنفرة طب في

مسألة السلوك وتزكية النفس اللي عايز يزكي نفسه اللي عايز يعني يرقى من اخلاقه ويهذب من اخلاقه يعمل ايه؟ ما قداموش غير -

[00:15:26](#)

سكة التصوف وما فيه من شوائب وبدع وخرافات وخزعبلات. طب في مجال الاستدلال على اه صدق الاسلام وصدق النبي صلى الله

عليه وسلم والكلام عن ما وراء هذا من الغيبات ما كانش عندك غير الفلاسفة. او ده كان اللي لهم صوت ظاهر يعني في الوقت ده. ده

غير بقى بعض الفرق اللي كانت لها - 00:15:46

اه صولة زي الشيعة كان لهم دولة. وزي بعض الفرق اللي كان لها منهج منحرف في القدر. فتخيل ابن تيمية بقى وجود في وسط القصة دي كلها مش بس كده بقى ده كمان في وسط ناس بتبدل شرع ربنا سبحانه وتعالى زي التتار اللي حكمه الياسق والزمه الناس به بديلا عن القرآن والسنة - 00:16:16

فلما يقوم ابن تيمية رحمه الله ويكون صاحب همة عالية وصاحب عزيمة قوية ويجمع ما بين اه القوي جدا والتضلع من علوم الشريعة حتى تمتزج بروحه ودمه. وبعدين يجمع بقى شدة التعلق بالله عز وجل. وآ - 00:16:36

الافتقار اليه وكسرة التعبد وقوة التوكل. ثم قوة القلب وشدة البأس وخوض المجالات المختلفة دي كلها يصارع الناس فيها مجال قال فيصارع الناس في مجال اه علم اصول الدين فيكسر شوكتهم ويقرر منهج اهل السنة والجماعة ويستدل له بمقدمات لم - 00:16:56

يطلق اليها ويفند مزاها هؤلاء بطريقتهم ويفادتها ايضا بادلة اهل السنة. وبعدين يدخل في بتوع مع الفقه مع آ الفقهاء ويبتدوا يرد على الجمود الفقهي وآ حالة التقليد اللي كان يعني وصمة في بعض الاوقات - 00:17:16

وليس كل التقليد كذلك لكن بعض انواعه يعني ورد عليهم رد شديد جدا وجدد ثاني في الامة مسألة التمسك بالادلة ونبز اقوال الفقهاء ان خالفت الادلة ممن هو متأهل لذلك. ده برضه يا اخواننا دي في مشكلة. نقعد نتكلم عن التقليد ونبز التقليد وو ما هيش -

00:17:36

فوضى بقى كل واحد شايف نفسه واتكلمي في ممن هو متأهل متأهل لذلك عنده اهلية انه ينبز هذا التقليد يرجع احكام للادلة سم في مجال التصوف مجال السلوك وتزكيت النفس صارع بقى المتصوفة وبدأ يتكلم في ياخذ عباراتهم واقوالهم وابتدى - 00:17:56

بقى ينقيها. ايه منها اللي ممكن يبقى مشروع وايه منها الممنوع؟ وبدأ يتكلم في تزكية النفس على منهج اهل السنة والجماعة. في جانب السياسة الشرعية وكان هو ملابس للمجتمع وملابس نفسه لم يكن منعزل عن المجتمع. وازاي نصيحته تكون للحكام؟ وازاي الناس تسوس الدنيا بالدين. والامراء - 00:18:16

المماليك اللي كانوا عايشين ايامه ازاى يحكموا الناس وازاي يتعامل مع الزلمة. فكان مسلا ممكن يدعم بعض المماليك عشان تتار. مع انه زالم ضد فطار يقول لك ده اهون وكان ممكن يدعم الاشاعرة ضد الشيعة. الاسنا عشرية المجرمين يقول لك دول اهون. الاشاعرة ايه - 00:18:36

اهون وهكذا كيف كان يوازن بين المصالح والمفاسد؟ فده امام اللي هو ابن تيمية رحمه الله. فهو ايضا صارت السلفية علم على مسل هذا الشخص مين اللي خد منو الراية بعديه بقى بقرون كان محمد ابن عبدالوهاب رحمه الله لما نشأ في نجد وجد - 00:18:56

خلاص في حالة اندراس لعلوم التوحيد والناس بتعبد الاحجار والاشجار وتدعوها من دون الله عز وجل وينذرون لغير الله ويتقربون لغير الله حتى ان العلماء اللي بيفتوا الناس في الدين والقضاة وغير ذلك يجارونه على هذا الايه؟ الشرك. فبدأ همة عالية - 00:19:16

ادا نفس القصة يتضلع من علوم الشريعة يمتلى بمنهج اهل السنة والجماعة حتى يمتزج بروحه ودمه علاقة قوية جدا بربنا سبحانه وتعالى عبادات ووفرة في آ الاتصال بالله سبحانه وتعالى ثم قوة قلب وقوة التوكل ويقوم مباشرة في مصارعة هذا الايه؟ الباطل -

00:19:36

يبقى ده كان النوع الثالث ممن صارت السلفية على من عليهم. وكذلك اصحاب الاتجاهات السلفية المعاصرة بالجزيرة العربية والقارة الهندية ومصر وشمال افريقيا وسوريا وغير ذلك. يبقى اصحاب الاتجاهات السلفية المعاصرة - 00:19:56

دول في مجموعهم كده كيانات تنتسب ايضا لهذا المذهب وتتمسك تتعلموا وتعلمه وتدعو اليه وتسعى الى نشره وتطبيقه فبالتالي صار السلفية علما على هذه الايه؟ الاتجاهات. هيدخل معنا في عنوان ثاني بيقول مضمون السلفية. مضمون السلفية. ايه بقى -

00:20:16

مضمون السلفية يقول ومن حيث المضمون السلفية هي منهج الاسلام في ذروته الشامخة وقمته الحضارية. النفس ده مين اللي بيقوله قبل ما نكمل الدكتور مصطفى حلمي مش احنا قلنا هو اللي قال السلفية بين العقيدة الاسلامية والفلسفة - 00:20:46

الغريبة هو كان عنده الشجاعة انه يقول اي تخلي عن السلفية هو دعوة للتخلف. واي رغبة جادة في التقدم والتطور التحضر لا يمكن ابدا ان تتم بدون الاخذ بالايه؟ بهذا منهج السلف - 00:21:10

يبقى بيقولوا من حيس المضمون السلفية هي منهج الاسلام في زروته الشامخة وقيمته الحضارية وتوجيهه الى النموذج الذي طبقه ونفذه وحققه عمليا من القرون الاولى. ومن هذا المنهج وبتطبيق هذه القرون الفاضلة له استمدت - 00:21:30

حضارة المسلمين مقوماتها واصولها. صلى الله عليه وسلم. ومدارها على التوحيد وفهم دور الانسان في الحياة. كما ورد في آيات الكتاب الكريم وسنة النبي صلى الله عليه وسلم. وبتنفيذ احكام الشريعة الالهية بجوانبها المتعددة - 00:21:50

سيدتي في مختلف مجالات الحياة. فالسلفية منحصرة اذا في المدرسة التي حافظت على العقل والمنهج الاسلامي بعد ظهور الفرق المختلفة. طبقا لفهم الاوائل الذين تلقوه جيلا بعد جيل ثاني الجزئية ديت نقول ثاني الجزئية ديت مع حضراتكم كده. السلفية من حيس المضمون هي ايه؟ ايه بقى ايه هي حقيقة السلفية بقى - 00:22:10

المنهج ده نفسه هو عبارة عن ايه؟ تيجي تمسكه كده عشان تقول مكوناته ايه هو؟ قال السلفية هي منهج الاسلام. في زروته الشامخة وقيمته الحضارية. طب ليه دايمنا بحاول احط قيد بعد ما اقول يا منهج الاسلام؟ ليه؟ ليه محتاج احط قيد؟ لان في كثير بيلتزم -

00:22:40

ايوة جزاك الله خيرا. لان هناك كسير من المنتسبين للاسلام انت نفسك تحكم عليهم بالاسلام ما تقدرش تطلعهم الاسلام تقوا بهذا الدين ما ليس منه. وابن تيمية رحمه الله كان يقول لك ايه؟ انواع الشرع. الشرع المنزل ودي - 00:23:00

اه تمسل الايات صريحة الدلالة او اللي هي قطعية الدلالة ويمسل الاجماعات يمسل ما لا يمكن الخلاف فيه بين المسلمين. ده اسمه الشرع الايه؟ المنزل اللي هو غير قابل الخلاف وفي نوع ثاني اسمه الشرع المؤول ده بيمسل ايه؟ اقوال الفقهاء اقوال المفسرين -

00:23:20

والاحاديث زنية السبوت والاحاديث زنية الدلالة والايات ظنية الدلالة. كل ده شرع مؤول لانه فيه قابل للايه؟ للتفسير والتأويل والاخذ والرد النوع الثالث بيسميه الشرع الايه؟ المبدل. ايه بقى الشرع المبدل؟ الاحاديث الموضوعة. وشديدة الضعف الذي -

00:23:50

اجتمع الحفاظ على تضعيفها. وكذلك آآ حكم الاحكام المخالف للاجماع اللي هو بينقض مش كده بقى له ينقض حكم الحاكم اذا خالف الاسبوع مش كده؟ وحكم الحاكم المخالف للاجماع الايه؟ اللي بينقض. يبقى كل ده اسمه الشرع الايه؟ المبدل. فتخيل بقى انت عندك

00:24:10 -

بيقولوا احنا مسلمين وبينسبوا لهذا الاسلام ما ليس منه. منهم اتنين وسبعين فرقة ابن تيمية بينقل اجماع على ان الفرق دي فرق داخل دائرة الاسلام كاجمالا افتقرت اليهود على احدى وسبعين فرقة على سنتين وسبعين فرقة وستفترق قواتها على ثلاث -

00:24:30

الفرقة ١١ السنتان وسبعون منها في النار وواحدة ايه في الجنة مش كده الاتنين وسبعين دول داخل الاسلام خلي بالك المعتزل له دماغه والقدر له دماغه والجهل له دماغه. كل واحد بقى له ايه له قصته. فدولت تقول لهم انتم يقول لك احنا مسلمين. طب -

00:24:50

هو مسلم وعمال يخترع يعني مسلا اللي احنا لو ضربنا مسال بمين حاجة مشهورة خالص الامام الزمخشري ابو القاسم محمود جار الله يصنف كتاب ايه؟ كتاب الكشاف في التفسير. آآ - 00:25:10

الشاف ده مشحون بالتقرير والتأصيل لعقيدة المعتزلة. والرد على اهل السنة والانتقاص منهم وفي كل ملمح من الملامح دي وكل اية تمر به يعمل فيها المعركة العقدية ديت. يقول وهذا مذهب اهل التوحيد والعدل - 00:25:30

مذهب اهل الاسلام والفضل دون الحشوية ودون القدرية يرمي اهل السنة بالعظائم. بل يسقط عليهم آيات اللي وردت في الكفار كما ان يعني من ده من ضمن الايه؟ من ضمن الزيادة. فتخيل بقى مسلا انت عندك واحد زي الزمخشري ده مع كل ما الكتاب فيه فوائد على

فكرة. فوائد بلاغية وفوائد لغوية كثير - 00:25:50

لكن فيه طوام كان معتز للقبيح. يعني معتز لقبيح الاعتزال. لما كان يخط على الباب يقولوا من؟ يقولوا لهم قول اهو ابو القاسم المعتزل بالباب. الله! يعني الامل ايه! انت معتز بالمعتزلة يقول لي كده يعني. يعني امله يعني! كان كان معتزل يجلد قبيح -

00:26:10

واخذ بالك؟ ده واحد بينتسب للاسلام تكفروهم متكفروش البلاوي اللي عمال يجيها دي كلها بقى فيها ايه؟ فانت احتجت تقول

الاسلام النقي. الاسلام في زروته الشامخة وقمته الحضارية. ادي يقول لك ليه - 00:26:30

ليه ما بتكتفيش بكلمة الاسلام؟ لانه يتنازع هذا الوصف كسيرون يتنازع هذا الوصف كسيرون يقول اهو السلفية هي منهج الاسلام في زروته الشامخة وقمته الحضارية. وتوجيه مش بس كده يعني هو ده كمنهج هو ايه؟ القرآن والسنة بفهم السلف الزين هم معصومون

من ان - 00:26:50

على باطل. فاجماعهم حجة ملزمة واختلافهم رحمة. اجمعهم حجة واختلافهم رحمة. فما وسعهم يسعنا ولا وسع الله على من لم يسعه

ما وسع السلف الصالح. يبقى ده المنهج منهج الاسلام في زروته الشمالية في القضية الحضارية. مش بس كده. وتوجيه - 00:27:20

الى النموذج الذي طبقه ونفذه وحققه عمليا من القرون الاولى. انت عندك حديث ثابت آآ النبي صلى الله عليه وسلم قال تكون النبوة

فيكم ما شاء الله ان تكون ثم ينزعه الله اذا شاء ان ينزعه. ثم تكون خلافة على منهاج النبوة ما شاء الله ان تكون صح - 00:27:40

يبقى ده النبي صلى الله عليه وسلم اثبت انها خلافة على منهاج النبوة. يبقى انت بتوجه الى هذا النموذج. عشان دايم يقول لك

اشمعنى يعني تكتب الشيخان واشمعنى تتكلم عن ابو بكر - 00:28:00

وعمر وش معنى الخلفاء؟ ده نموذج شهد له النبي صلى الله عليه وسلم بالاياه؟ شهد له النبي صلى الله عليه وسلم انه على منهاج

النبوة. يبقى انا بوجه الناس للنموذج ده في العلم والعمل والحكم والتربية والسياسة وكل ما يمكن اقامة - 00:28:10

من خلاله وتوجيه الى النموذج الذي طبقه ونفذه وحققه عمليا من القرون الاولى. ومن هذا المنهج وبتطبيق هذه القرون الفاضلة له

استمدت حضارة المسلمين مقوماتها واصولها. ايه بقى حضارة المسلمين؟ لها مقومات اصول بتقوم عليها. ايه بقى مقومات -

00:28:30

واصول الحضارة الاسلامية الحقيقية. اولاً التوحيد. يبقى لا يتصور اقامة حضارة اسلامية بدون اقامة التوحيد في الدول الاسلامية او

اقامة التوحيد في المسلمين. ماشي كده؟ اتنين فهم دور في الحياة كما ورد في آيات الكتاب الكريم وسنة النبي صلى الله عليه وسلم.

الانسان ده له دور في الحياة. هو ايه وضعه - 00:28:50

ربنا قال اني جاعل في الارض خليفة. هذا الخليفة اللي يعني على التفسيرات المختلفة يخلف بعضهم بعضا او الخليفة اللي بيقضي

بين الناس اللي هو الخليفة فالملك يعني او او غير ذلك. يا ترى بقى الانسان ده دوره ايه في الحياة؟ وتفسير قوله عز وجل وما خلقت

الجن والانس الا ليعبدون - 00:29:20

دون ودور الانسان في حمل قضية الدين والتحرك بها. يبقى ده ثاني مقوم من مقومات الحضارة الاسلامية. يبقى انت بتتكلم على

توحيد اللي هو الصلة بالخالق سبحانه وتعالى وتصحيح كل التصورات والعقائد والعلوم العقلية والذهنية - 00:29:40

في الباب ده. اتنين بتتكلم عن فهم دور الانسان في الحياة. ما يكونش الانسان في الدنيا دي تايه كده. ما هو الشخصية المادية تماما

دي حتى لو عملت منجزات مش هي دي الشخصية الاسلامية الحضارية. مش دي الشخصية الحضارية. صح ولا لا؟ احنا عندنا

شخصية للانسان. شخصية المسلم. عشان تبقى في قمة - 00:30:00

التحضر ما بيقاش يصدق عليه وصف النبي عليه الصلاة والسلام. آآ حمار بالنهار جيفة بالليل. مش ده ابدأ عشان كده بعض الناس

يقول لك ايه ده احنا الدول الفلانية بيشتغلوا ستاشر ساعة وبينام كذا ويجي اخر الاسبوع ياخذ له يومين يسكر فيهم. طب واحنا

استفدنا يمكن؟ اخصهم بيطلعوا - 00:30:20

ومعدات وبيعملوا منجزات حضارية وبيعملوا كل اللي بيعملوه ده نقيمه على انه منجزات او تطور تكنولوجي. لكن هل ده تحضر؟ هل

الانسان ده انسان حضاري؟ هل ده متحضر بحالته اللي هو عليها ديت اللي هو حمار بالنهار جيفة بالليل وفي اخر الاسبوع يقعد يعربد ده ده انسان متحضر فعلا ولا لا - [00:30:40](#)

يبقى عشان كده بقول لك مقومات الحضارة الاسلامية اولا التوحيد. على فكرة التوحيد هيلحق به كل العلوم الايه؟ اللي بتدرس في علم التوحيد علم العقيدة دور الانسان في الحياة كما ورد في ايات الكتاب الكريم وسنة النبي صلى الله عليه وسلم. ان الانسان يعيش الحياة دي ما هوش مش تافه. وما هوش تايه - [00:31:00](#)

وما هوش ماشي في الطريق الغلط. عايش وفاهم وعايش ليه؟ زي ما حصل في قصة الربيعي ابن عامر رضي الله عنه. واحد من عموم الجيش خالص. انا عايز حد يقول لي هو سامع اسم ربيعي بن عامر قبل كده فين غير الحتة دي؟ صح؟ هي الموقف ده وبس - [00:31:20](#)

لو اه المتخصصين ممكن لو عملت بحس عليه تجد له اشياء تانية لكن هو فعلا احنا اللي اشتهر عنه الايه؟ الموقف بتاع رستم ده. هو واحد فاهم قضيته كويس جدا. ده راجل متحضر. ليه هو متحضر؟ لان هو فاهم هو عايش ليه. انتم جايين ليه يا عم؟ هو بيقول انتم جايين ليه؟ انتم عايزين ايه - [00:31:40](#)

ان الله ابتعسنا لنخرج من شاء من عبادة العباد الى عبادة رب العباد. ومن جور الاديان الى عدل الاسلام ومن ضيق الدنيا الى سعة الدنيا والاخرة. طب هيموت مننا افضى الى موعود الله. طب اللي هيعيش ملك رقابكم؟ شف الدنيا سهلة معه ازاي؟ ما عندوش اي مشكلة ولا اي تعقيدات خالص - [00:32:00](#)

فاهم هو رايح فين وبيتحرك ازاي عشان كده كل واحد فينا عايش في الدنيا نصيحة لله والله لنفسه ولاخواني كل واحد فينا عايش ويشعر توهان لازم يقف مع نفسه وقفة. يعني ايه يقف مع نفسه وقفة يشوف كده انت المفروض تقرأ يوميا تتعبد قد ايه؟ فرائض - [00:32:20](#)

نوافل بتقرأ كم جزء؟ تصوم كم يوم في الاسبوع؟ انت اسبوعيا المفروض تحضر كم درس؟ تقرأ كم كتاب؟ او تقرأ فيه كم كتاب؟ انت ترى ايه مشاركتك في خدمة الدين؟ يعني انت لازم حياتك تبقى مرتبة كده انت عايش ازاي؟ انت ايه مصدر دخلك؟ انت يعني تدير حياتك الاسرية ازاي - [00:32:40](#)

انت انت لازم تكون حياتك مرتبة. فمسألة التوهانة اللي الانسان يبقى عايش فيها ديت ده مش امر صحيح ابدأ. ولا امر صحيح. حتى لو اليابانيين قل له كده حتى ولو الاوروبيين بيقولوا كده لأ مش صح. احنا بنتكلم على مقومات واصول الحضارة الاسلامية. تالت حاجة من مقومات واصول الحضارة الاسلامية - [00:33:00](#)

تنفيذ احكام الشريعة الالهية بجوانبها المتعددة في مختلف مجالات الحياة. كل امة في الدنيا لها انزومة تقوم عليها مجتمعاتها نزام في التعليم ايه القيم اللي بيعلموها لابنائهم وايه الوسائل اللي بيعلموها بها ابناؤهم وايه الحاجات اللي بيحصل عليها اسمها نزام - [00:33:20](#)

قيمة المعلم عندهم قيمة المتعلم وهكذا. يبقى اسمه نزام التعليم. وفيه نزام القضاء اللي هو بي فصل في الخصومات وبي فصل في وفيه نزام آا الحكم العلاقة بين الحاكم والمحكوم حقوق الحاكم وحقوق المحكوم وفيه - [00:33:40](#)

نظام الاجتماعي او نظام نظام الاسرة العلاقة بين الزوج والزوجة احكام الزواج احكام الطلاق احكام الحضانة حضانة الاطفال وهكذا. النزام نزام الحرب والسلم من يحاربون ومن يسالمون ومن يبجوا يحاربوا يحاربوا - [00:34:00](#)

اداب الحرب عندهم واخلاق الحرب عندهم واولوياتها والسلم وايه شروطه والمعاهدات تكون ازاي؟ انزومة المجتمع المختلفة النظام الاعلامي النزام الاعلامي وهكذا. انزومة المجتمع من مقومات الحضارة الاسلامية انك تطبق انزومة المجتمع وفق الشريعة - [00:34:20](#)

الاسلامية احكام الشريعة الالهية بجوانبها المتعددة. في التعليم وفي الاعلام وفي النظام الاقتصادي وفي نزام الحرب والسلم وفي كل الانزومة اللي احنا اتفقنا عليها ديت. يبقى ده بيمسلسل عندنا السلفية. ثاني مرة ايه ايه هي السلفية؟ هي الاسلام. منهج الاسلام في - [00:34:40](#)

زروته الحضارية الشامخة مع التوجيه الى النموذج الذي طبق هذا المنهج وحققه عمليا القرون الاولى وعن طريق هذه هذا المنهج وعن طريق التوجيه لهذا النموذج العملي البشري. تتبلور لنا اصول ومقومات الحضارة الاسلامية اللي هي - [00:35:00](#) التوحيد فهم دور الانسان في الحياة كما ورد في آيات الكتاب الكريم. وسنة النبي صلى الله عليه وسلم. ثلاثة تنفيذ احكام الشريعة الالهية بجوانبها المتعددة في مختلف مجالات الحياة. فالسلفية منحصرة اذا في المدرسة التي - [00:35:24](#) فظلت على العقيدة والمنهج الاسلامي بعد ظهور الفرق المختلفة. طبقا لفهم الاوائل الذين او هجلا بعد جيل. يبقى المدرسة اللي هتعاظ على السلالة النقية اللي عمالة تنتقل عبر الاجيال ديت - [00:35:44](#) سلالة المنهج دي هي دي اسمها السلفية. خلاص كده؟ وكل حاجة دخيلة تدخل في الكلام ده تبعدها وتشيلها عشان يظل النقاء متمسل في هذا الابه؟ المنهج. يقول وقد عرفوا في فترات بانهم اهل الحديث. حيث كان اهل - [00:36:04](#) الحديث رواية ودراية هم السائرون على ما كان عليه صحابة النبي صلى الله عليه وسلم. والمحافظة على ما كانوا عليه وعملوا. اهل الحديث يعني الذين يلتزمون الاثر. ولا يقدمون ارائهم على ما على كلام النبي صلى الله عليه وسلم ولا على ما ينقل عن الصحابة رضوان الله عليهم وفتاوبهم وغير ذلك. يبقى - [00:36:24](#) دولة اهل الحديث كانوا في فترة من الفترات بيمسكوا هذا العرق النقي. وهذه السلالة النقية المنهجية. عشان كده كان واحد ممكن يكون واحد عمي خالص ما بيعرفش يقرأ ويكتب. ولا هو محدس ولا حاجة. ويتقال عليه منين؟ من اهل الحديث. طب رد عليه من اهل الحديث بانهي اعتبار - [00:36:54](#) ايوه اعتبار التزامه صح وتطبيقه. تمام. ولذلك الاشعري ابو الحسن الاشعري رحمه الله اللي ينسب اليه المذهب الاشعري لما حب يلخص حالة النقاء اللي هو فيها يقوم يقول ايه؟ وانا على ادين الله عز وجل على ما آ - [00:37:14](#) مذهب الامام الرباني الامام احمد بن حنبل الشيباني امام اهل السنة. يعني انا مع الراجل ده. انا في العقائد انا مع الراجل ده وصل المعنى ده يا اخواننا ولا ما وصلش؟ طيب يبقى في مرحلة من المراحل كان اسمهم اهل حديث. ليه قلنا ليه اهل الحديث؟ لان كان في الوقت ده - [00:37:34](#) حملت الراية الذين يحافظون على نقاء هذا المنهج ويدفعون عنه الشباب كانوا اهل الحديث رواية ودراية. الرواية اللي هي اياه المتون معرفة متون الحديث وفقهاها والدراية اللي هي اياه؟ الاسانيد. وعرفوا في احد الادوار باسم اهل - [00:37:54](#) في السنة والجماعة استنادا الى كونه للملتزمين بجماعة المسلمين. اهل السنة سنة يعني الطريقة. يعني اهل طريقة الصحابة ومن بعدهم. والجماعة اي الذين اجتمعوا على امام ولم ينزعوا يدا من طاعته. او والجماعة الذين - [00:38:14](#) لزموا منهج الجماعة اللي هو منهج الصحابة ومن اتى بعدهم. خلاص كده؟ استنادا الى كونهم الملتزمين بجماعة المسلمين المحافظين على عقائد الامة وتمييزا لهم عن من خرج عن عقائد الامة وشذ عن الجماعة من اهل البدع والاهواء - [00:38:34](#) والمرجئة والمعتزلة والرافضة والسلفية قبل ذلك كله. وفي مدلولها الخاص اقتداء بالنبي صلى الله عليه واله وسلم والذي كانت سيرته العطرة القمة التي يتطلع اليها سلفنا الصالح. وحولوها الى سيرة حية في - [00:38:54](#) كيانهم يبقى اقتداء بالنبي صلى الله عليه وسلم وتحويل سنته الى واقع يعيشه الناس. خد بالك من هذا الامر اللي جاي اللي هو حاطه تحت خط ده لان ده كلام مهم. يقول فالسلفية اذا ليست من - [00:39:18](#) بشر وانما هي الاسلام نفسه بالفهم السليم علما وعملا وهي تمسك بما كان عليه النبي صلى الله عليه وسلم واصحابه لا تخرج عما كانوا عليه. طبعا بعض الناس يقول لك يعني انت عايزنا نرجع تاني - [00:39:32](#) زي ما كانوا عايشين في صحرا وعايشين السؤال ده من شدة غباؤه انا لا اود الاجابة عليه. والله العظيم. لان انت بتتكلم على وسائل وانا هسألك اسئلة هو النبي صلى الله عليه وسلم استعمل وسائل عصره ولا لأ؟ يعني خلى الصحابة يستعملوا الاداة - [00:39:52](#) وكانوا الصحابة يستعملوا التور الاواني يعني المختلفة. وخلي الصحابة يستعملوا الورق والقلم وخلي الصحابة ولا ما استعملوش وسائل عصرهم طالما انه خلاهم يستعملوا وسائل عصرهم يبقى يؤزن لك في استعمال وسائل بشرط واحد الوسائل دي تكون ايه؟

مشروع خلاص كده اما الكلام على ان انت آآ لا تخرج عما كانوا عليه اي في الدين في الدين مش في وسائل الحياة وصل كده يا اخواننا ولا ما وصلش؟ طيب والانتساب للسلفية اذا - 00:40:32

امر ممدوح وده يعد تزكية على فكرة. يعني يعني اللي فاهم الموضوع كويس جدا وحد لما يقول كلمة انا سلفي بيقولها وهو كان شاف في نفسه كده يعني زي ما بيقولوا ايه انا ملتزم انا متدين هي هي تزكية. يعني كلمة انا سلفي دي تزكية. واخذ بالك؟ ولكن للاسف - 00:40:52

آآ يعني هزلت حتى بدا من هزالها كلاها. وحتى سامها كل مفلس وانا لله وانا اليه راجعون. وانا دلوقتي لما احب اعيار واحد يقول لك ايه؟ ده سلفي. ها ها الله! السلفي دي مدح - 00:41:12

تخيل واحد بينتسب للصحابة اذا كان زي ما يقول لك ايه يا سني! يا سني! ايوة هي سنة دي حلوة. السنة دي كويسة يعني ده ممتاز للسنة. بس بس كانت بتتقال على انها ايه على الناس استهزاء او على انها آآ سبة. والانتساب للسلفية اذا امر ممدوح. ومن - 00:41:32

الى مذهب السلف وجب قبول ذلك منه واقاراره عليه. حنة مهمة جدا. واحد يسمي نفسه ما حدش ينكر يعني كلمة ايه؟ وجب قبول ذلك منه عليها ما حدش ينكر عليه. ما حدش يقول له ما تتسميش نفسك سلفي. شف دي احنا بقى ضاع من عمرنا قد ايه؟ مع بعض الدعاة الفضلاء وبعض آآ اهل العلم اللي كان شاغل - 00:41:52

جدا مسألة ما تقولش انا سلفي. ليه يا عم؟ ليه؟ واعمل محاضرة وما تقولش انا سلفي. واعمل درس تقول ما تقولش انا سلفي. وتسجل شريط وتقول ما تقولش اسئلة يعني كل المشاكل خلصت ما فضلش غير النقطة ديت. طب نسمع كلام ابن تيمية في المسألة ديت. بيقول لا عيب على من اظهر مذهب السلف وانتسب اليه - 00:42:12

لذلك الشيخ الالباني كرد فعل اللي الناس دي كانت بتعمله قام عمل محاضرة اسمها ايه؟ حد فاكرها؟ سماء وجوب ما هو للاسف بقى آآ ردة الفعل عنيفة جدا مش مشروعية الانتزام لمذهب وجوب الانتساب للايه؟ للسلفية. يعني اللي بيقولش انا سلفي - 00:42:32
يلا بقى مش انت بتقول ما تقولش الرسالة ايه اللي ما بيقولش انا سلف بيقى حرام عليه. ونقعد بقى ايه اللي صعبان عليه انتم عارفين يا اخوانا. ان مسلا فيه قرى القرية كلها مسلا - 00:42:52

ثلاث اربع اخوة غلبة كده. والقرية بقى محتاجة علم وعمل ودعوة ومحتاجة شغل. ومساحات مفتوحة. تدخل الفورتينا دي في وسطهم نقول سلفي ولا ما نقولش؟ ها؟ الاربعة بيقوا اربع ايه اتجاهات. ويتوقف العلم - 00:43:02

واتوقف العمل ويفضوا لبعض. واللي يتمكن منهم من المنبر يرد على الباقيين. واعلي وانا اعلي. ينفع يا جماعة الكلام ده والله العزيز كم من مكان فعلا توقفت فيه الدعوة بسبب يعني آآ هذه المعارك الوهمية والفقاعات - 00:43:22

العلمية الغير مجدية بالمرّة ونقاشات طويلة الزيل قليلة النيل ما فيهاش اي منفعة. وسبحان الله اذا اراد الله قوم خيرا فتح لهم باب العمل واغلق عنهم باب الجدل. واذا اراد الله بقوم شرا ايه؟ فتح لهم باب الجدل واغلق عليهم باب العمل - 00:43:42

ابن تيمية بيقول ايه بقى؟ لا عيب على من اظهر مذهب السلف وانتسب اليه واعتزى اليه. بل يجب قبول ذلك منه بالاتفاق. فان مذهب السلف لا يكون الا حقا. فان كان موافقا له باطنا وظاهرا - 00:44:02

هو بمنزلة المؤمن الذي هو على الحق باطلا وظاهرا. وان كان موافقا له في الظاهر فقط دون الباطن فهو ابن زيت المنافق تقبل منه علانيته وتوكل سريرته الى الله. فاننا لم نؤمر ان ننقب عن قلوب الناس ولا نشق بطونهم. ولا نشق بطونهم - 00:44:22

فمن اظهر التمسك بالسلفية؟ بالسلف قبل ذلك منه. فان خالف السلف علما وعملا وجهه الى الصواب من علم وعمل السلف الصالح. بل ان رجوعي ان الرجوع الى السلف في امور الدين مما يجب التمسك به - 00:44:42

ويدل على حتمية السلفية بهذا الفهم لانه لا يصلح هذه الامة الا ما اصلح لا يصلح هذه الامة الا ما اصلح اولها يقول دكتور مصطفى حلمي اذا كان المسلمون يلتمسون اليوم طريقا للنهوض فليس لهم من سبيل الا - 00:45:02

وحدة جماعتهم ووحدة الجماعة ليس لها سبيل الا الاسلام الصحيح. والاسلام الصحيح مصدره القرآن والسنة وهذه خلاصة الاتجاه السلفي. عودة بالاسلام الى معينه الصافي من كتاب الله وسنة رسوله صلى الله عليه واله وسلم. طبعا مسألة القيد بالفهم الصحيح فهم السلف وفهم الصحابة - [00:45:22](#)

فبعد كده من كلام الدكتور مصطفى لان الكتاب نفسه اسمه قواعد المنهج السلفي. فذكر فيها الايه؟ القيود دي. يقول الدكتور عبدالرحمن الزنيدى حينما نباحس في التراس عن السلف بصفتهم الجماعة السابقين لغيرهم بشيء ما وعن السلفية بصفتها المعنى الذي سبق به السابقون - [00:45:52](#)

سيحدد بحثنا في سبق وسابقين على مستوى الامة الاسلامية كلها عبر تاريخها. هنا سنجد ان السلف هو الصدر الاول من المسلمين في هذه الامة. وفي قمتهم اصحاب الرسول صلى الله عليه وسلم. وسنجد - [00:46:15](#)

ان السلفية هي المعنى الاسلامي الذي تمسله تمسلوه في قلوبهم فهما وفي شخصياتهم سلوكا والسلفي هو الحامل للمعنى الذي حملوه مفاهيم وسلوكا. الكلام ده كلام عالي جدا جدا يقول الدكتور عبدالرحمن الزنيدى هقول الكلام ده ثاني بس مهم الكلام ده على فكرة. حينما نباحس في التراث عن السلف بصفتهم - [00:46:35](#)

السابقين لغيرهم بشيء ما خلي بالك هو بيدوه دلوقتي احنا هننطلق زينا زي اي ديانة في الدنيا سبت ان احنا مسلمين دلوقتي احنا عايزين نباحس عن ما يسمى بالسلفية يبقى المفروض لو واحد غيرنا مش مسلم يباحس عن السلفية بتاعته بالطريقة دي. يروح يشوف مين السلف اللي هم الاوائل بتوعه؟ وايه منهجه وهكذا. هيقول حينما نباحس في التراس - [00:47:05](#)

واحنا كمسلمين تراسنا اللي هو ايه؟ التراس الاسلامي. عن السلف بصفتهم الجماعة السابقين لغيرهم بشيء ما. يا ترى مين عندنا في الاسلام الجماعة سابقين لغيرهم بفضل وسن. الله ينور عليك. لأ هو هو فيه صحابة وتابعين غيره بس زروتهم مين؟ الصحابة. الصحابة. طب لما نحب - [00:47:28](#)

اباحس عن السلفية بصفتها المعنى الذي سبق به السابقون. يا ترى ايه المعنى اللي خلى الصحابة دولت يسبقوا الناس؟ ايه المعنى اللي كان عندهم اللي سبقوا به الدنيا كلها اه بيقول السبق السابق اللي سبقوا به الناس هو الاسلام الصحيح اللي حملوه صح - [00:47:48](#)

طب الاسلام الصحيح ده عبارة عن ايه؟ بيقول الاسلام ده آآ تمسلوه في قلوبهم فهما فهموه كويس جدا بعق وتمثلوا في شخصياتهم سلوكا. يبقى الصحابة دولت اللي احنا بنقول ان هم السلف. المنهج اللي سموا به وسبقوا به - [00:48:08](#)

اتحولوه من مجرد خطاب يتلقى من فم الصادق المصدق صلى الله عليه وسلم الى علم عميق جدا جدا جوة قلوبهم عشان كده ابن مسعود كان يقول ايه؟ من كان متأسيا فليتأسى بمن مات. فان الحي لا تؤمن عليه الفتنة. اولئك اصحاب محمد صلى الله عليه وسلم - [00:48:28](#)

اعمق ابر هذه الامة ايه؟ قلوبا. واعمقها علما واقلمها تكلفا. يبقى اعمقها علما. يبقى تمسلوه في قلوبهم ايه فهما وتمسلوه في شخصياتهم سلوكا يبقى تحول الامر بالنسبة لهم الى فهم وسلوك - [00:48:48](#)

مش خطاب بس وده الفارق الضخم بين السلف الحقيقي والسلف المزيف. عشان كده قلت لكم الكلام ده كلام عالي جدا ده الفارق بين السلف الحقيقي والسلفي مين؟ المزيف. السلفي الحقيقي هو الحامل للمعنى الذي حملوه - [00:49:08](#)

مفاهيم جوة قلبه وسلوكا بشخصيته في الخارج. ده السلف الحقيقي. اومال السلفي المزيف اللي صار داخل زمرة ينتسبون او يعتزون او يرفعون راية اسمها السلفية. وهو خلوا من الداخل عن هذه المفاهيم - [00:49:28](#)

وفي سلوكه ليس هناك تطبيق لهذه المفاهيم في الواقع. يبقى ده اسمه ايه؟ سلفي مزيف. واضحة ديت ولا مش واضحة؟ ثاني. السلف الحقيقي هو ومين؟ اللي هيبقى عامل زي الصحابة كده. الصحابة دولت عملوا ايه؟ الخطاب اللي تلقوه؟ حول - [00:49:49](#)

الى مش الى فهم عميق جوة قلوبهم. مش مجرد انه حافز دليل. هو فاهم يتعامل معه ازاى. خلاص كده ده الاول ثاني حاجة حولوه لايه؟ سلوكا في الخارج يبقى لما هو انت هو اللي هم اللي رووا حديث ينزل ربنا - [00:50:09](#)

الى سماء الدنيا حين يبقى سلس ليل الاخر. مش كده هم اللي رووا الحديث ده؟ فلما يفهموا بعق ما يشبهش ربنا بخلقه يقول لك

بقى ربنا هينزل ازاي ده فاهم صح خلاص؟ طيب حوله لسلوك ازاي؟ ان هو لما يجي في الوقت ده يقوم صاحي - [00:50:29](#)
عشان يصلي بالليل عشان الوقت ده ربنا سبحانه وتعالى بينزل الى السماء الدنيا. السلف المزيف مين بقى؟ اللي لا هو عارف القصة
ديت ولا عارف يفهمها صح ولا بيطبقها في حياته. صح يا اخوانا ولا لأ؟ وعلى هذا فقس. انا بس بقول لك ايه مزيف في النقطة دي.
ممکن يكون - [00:50:49](#)

حقيقي في حاجات كتير بس انا بتكلم على ايه؟ على المسال بس. واضح كده اللي كان بيسأل على المسال؟ ماشي. يقول هذا
المضمون للسلفية من حيس هي التمسك الاول لمفاهيم الاسلام - [00:51:08](#)
وتطبيق مطالبه ومن ثم كونه وجهة يهفو اليها الناس. برز مبكرا حينما وجه اليه الرسول صلى الله عليه وسلم في حديث ان بني
اسرائيل تفرقت على اثنتين وسبعين ملة وستفترق امتي على ثلاث وسبعين ملة كلها في النار الا واحدة. قالوا من هي يا رسول الله؟
قال هي من كان على ما انا - [00:51:22](#)

عليه واصحابه. انا هاقف هنا عشان محتاجين ايه؟ الكلام ده يبقى فيه قدر من العمق شوية. وكده وقتنا خلص. اقول قولني هذا
واستغفر الله لي ولكم. سبحان وبحمدك اشهد ان لا اله الا انت استغفرك واتوب اليك - [00:51:45](#)

- [00:52:00](#)